

مساعِد الإنتجَرِيشن

دليل الاستخدام — فريق الدعم الفني، أفاقي

2026-08-04 v3.8

الجديد في النسخة دي — v3.8

- اسم ملف الإكسل بقى موّدد في كل التصديرات: اسم المستخدم - الحاجة اللي اتجابت - التاريخ - الوقت
- الاسم يقول المفلتر إيه: «GPS» أو «ساعة أكثر من أسبوع» أو «وصل - استعلام» — الملفات بترتب نفسها في مجلد التنزيلات
- اتصلح سبب توقّف التحديث التلقائي: خدمة الخلفية كانت ممكن تتقدّم من كاش المتصفح، فالنسخة القديمة تفضل شغالة
- الفحص بقى يشتغل كمان أول ما ترجع للتبويب، مش كل عشر دقائق بس
- في تبويب الدليل بقى مكتوب: اللي شغال عندك، واللي على السيرفر، وآخر مرة اتفحص فيها — وزار
- الزرار يقولك النتيجة صراحة: «انت على أحدث نسخة» أو سبب فشل الوصول للسيرفر

إيه الأداة دي

- أداة لفريق الدعم الفني، بتخليك ترد على أسئلة العملاء الخاصة بالـ API من غير ما ترجع لليم التطوير في مصر.
- ملف واحد يفتح في المتصفح. مفيش تنصيب ومفيش سيرفر ومفيش قاعدة بيانات.
- جواها كل ريكوستات النظام منقولة حرف بحرف من الكولكشن الرسمي، وشروحات اتجمعت من تذاكر حقيقية اتحلّت.

الأساس — الـ IMEI والـ UID

- النظام يتعامل مع كل عربية برقم اسمه `UID` ، شكله `5fb0e2e703ed529bb30f9af3`. في الرد الحقل اسمه `id`.
- العميل ببيعتهك `IMEI` — 15 رقم مكتوبين على التراكز في العربية.
- الاتنين مش نفس الحاجة، والـ `API` ماياخدش الـ `IMEI`.
- الأداة بتحوّل لوحدها: تلتصق الـ `IMEI` في خانة «حدّد العربية» فوق، وأي ريكوست تفتحه بعدها يبقى جاهز بالرقم الصح.
- خد بالك: `device_serial` رقم تالت مختلف، و `sim_serial` بتاع الشريحة.

إزاي تبدأ

- (١) اتصل — اكتب اسم المستخدم وكلمة السر بتوع حساب العميل في الشريط اللي فوق واضغط «اتصال». الأداة بتجيب التوكن لوحدها وبتجّده لو خلص.
- (٢) حدّد العربية — الصق الـ `IMEI` أو الاسم أو رقم اللوحة.
- (٣) ابدأ من التبويب الأول واختار العرض اللي العميل قاله.
- مفيش أي بيانات بتتخزن. كل حاجة في ذاكرة المتصفح وبتروح لما تقفل الصفحة.

لما الريكوست يحتاج حاجة قبله

- ريكوستات كتير محتاجة رقم كيان: إشارات العربية محتاجة رقم العربية، وبيانات الحدث محتاجة رقم الحدث، وهكذا.
- انت عارف الأسماء مش الأرقام — وده طبيعي، الشاشة بتوريك أسماء.
- أول ما تضغط «جرب» على ريكوست زي ده، بتطلعلك نافذة بتقولك محتاج إيه بالضبط.
- اكتب الاسم واضغط «اجيبهولك أنا» — الأداة بتجيب اللسته وتطابق وتحط الرقم مكانه.
- ولو عايز تعمل الخطوة بنفسك، اضغط «ورييني الخطوات» وهتلاقي أنهي إنديوينت تنادي وأنهي حقل تنسخ.
- الرقم اللي اتحل بيفضل معاك طول الجلسة، فمش هتتسأل عنه تاني.

تثبيت الأداة على الجهاز

- ****أندرويد وويندوز وماك:**** افتح اللينك، هيطلعلك شريط «تثبيت» فوق. اضغطه. ولو ما طلعتش، من قائمة المتصفح اختار «تثبيت التطبيق».
- ****آيفون وآيباد:**** افتح اللينك في سفاري، اضغط زرار المشاركة تحت، وبعدين «إضافة إلى الشاشة الرئيسية».
- بعد التثبيت بتفتح بأيقونتها من غير شريط متصفح، وتقدر تضغط عليها ضغطة طويلة وتروح لتبويب معيّن على طول.
- ****من غير نت:**** البحث وكل الشروحات والأمثلة والدليل شغالين. اللي محتاج نت هو تنفيذ الريكوسات على حساب العميل.
- التحديثات بتيجي لوحدها — الأداة بتقولك أول ما تنزل نسخة جديدة حتى وهي مثبتة.

التبويبات

- ابدأ من هنا — نقطة البداية لأي تذكرة. فيها صندوق «من الـ IMEI للرد الجاهز»، وكارتات للحالات المتكررة، وأمثلة كاملة من أول التذكرة لآخر الرد.
- الريكوسات — بحث في كل ريكوسات النظام. تكتب سؤال العميل بالعامية وتلاقي الريكوسات الصح بمثال جاهز. ولو سببت خانة البحث فاضية بتلاقي كل الموديولز مفتوحة تتصفحها.
- السيناريوهات — سلاسل جاهزة بتنقذ خطوات ورا بعض وبتنقل النتيجة لوحدها.
- أساسيات الإنتجريشن — الشروحات والمعلومات المتجمعة والأخطاء المعروفة والمصطلحات.
- الدليل — الصفحة دي.

السيناريوهات

- إثبات إن حساب العميل شغال — بتبعت الرد ده للعميل لما يقول «بياناتي مش شغالة».
- حوّل الـ IMEI لـ UID — خطوتين وتطلعك الرقم مع زرار نسخ.
- آخر موقع لعربية — مواقعها خلال اليوم.
- سرعة عربية — آخر سرعة، وأعلى سرعة ومتوسطها خلال فترة.
- إشارات جهاز واحد — الرد على شكوى «الجهاز مش بيرسل».
- إشارات مجموعة أجهزة — ييفحص كل أجهزة المجموعة ويقولك مين ساكت ومين بيرسل.
- تقرير عربية عن فترة — السلسلة الكاملة لحد النتيجة.
- عدادات جهاز — المسافة وساعات التشغيل مع التحويل.
- لستة عربيات العميل — أسرع فحص لأي شكوى «مش شغال».

اللي مقفول عليه

- التصحيح التلقائي مقفول على أي ريكوست بيجدّل أو ييمسح أو يبيعت. إعادة المحاولة على حاجة زي دي ممكن تعمل ضرر في حساب عميل.
- إعادة المحاولة مقفولة على كل ريكوستات الدخول. محاولات الدخول المتكررة بتقفل الحسابات.
- الأداة مابتخترعش ريكوست. لو الحاجة مش في الكولكشن بتقولك وبتوقف.
- التوكن بيتشال أوتوماتيك من أي نص قبل ما تنسخه.
- كلمة السر مابتتعرضش. بتشوف بصمتها بس — طولها وأنواع حروفها وتحذير لو فيها مسافة زيادة.

لما حاجة تفشل

- أول حاجة: بص على صندوق «الريكوست الي اتبعث فعلاً» تحت النتيجة. بيورك بالحرف الرابط والهيدرز والبودي.
- الأداة بتقرا رد السيرفر وبتقولك أنهى حقل اترفض وليه بالاسم.
- خد بالك: الأكواد الرقمية في السيستم ده مش قياسية. شفتنا 405 معناها خطأ بيانات مش «ميثود غلط»، و401 جوه رد 200.
- القاعدة: اقرا `message` و `errors` من البودي. الرقم آخر حاجة تبص عليها.
- لو رجع `unit_id : not_found` — يبقى البودي لسه فيه رقم العينة. حدّد عريية بالـ `IMEI` من فوق.
- لو الريكوست نجح، اضغط «نسخ رد كامل للعميل» — بيديك الإندبوينت والبودي والرد في بلوك واحد جاهز للإيميل.

التصعيد

- زرار التصعيد بيفتح قائمة أدلة لازم تأشّر عليها: الـ `curl` كامل، الرد كامل، البيئة والوقت، `UID` عريية واحدة، والي جريته انت.
- الرسالة بتكتب لوحدها وبتقول صراحة إيه المرفق وإيه الناقص، وبتضم سجل الي الأداة نفّذته في الجلسة.
- كل بند ناقص بيرجّع التذكرة بسؤال ويبضّع يومين.

المعرفة لازم تكبر

- في تبويب أساسيات الإنتجريشن فورم «ضيف معلومة جديدة».
- أول ما تيم مصر يرد عليك بحاجة مش موجودة في الأداة، سجّلها في نفس اللحظة ومذّرها وابعث الملف لمسؤول الأداة.
- المسؤول بيجّع الملفات أسبوعياً ويرفع نسخة محدّثة.
- من غير الخطوة دي الأداة هتبقى قديمة خلال شهرين.

قاعدة التحديث

- كل نسخة ليها رقم، والرقم ظاهر فوق في الشريط.
- الدليل بيتنزل من جوه الأداة نفسها — تبويب «الدليل» ← زرار «نزل الدليل».
- أي تعديل في الأداة لازم يتسجل في الدليل والملف المطبوع، في نفس الوقت.
- الجديد في كل نسخة بيتعلم بلون مختلف عشان تقرا الفرق بسرعة.
- **قبل أي نشر، كل الاختبارات بتتشغل. ** لو واحد فشل، البناء يوقف ومفيش نشر. مش وعد — الكود بيمنعه.
- **الأداة بتقول لوحدها لما تنزل نسخة أحدث. ** الفريق ما يفضلش شغال على نسخة قديمة من غير ما يعرف.
- دليل قديم أخطر من إنه ما يكونش موجود، لأن الناس بتصدق.

ريكوستات متشالة عن قصد

- إضافة العرييات وحذفها مش موجودين في الأداة. لو دّورت عليهم مش هتلاقيهم، وده مقصود.
- السبب: الدعم بيشخص ويشرح، مش بيعمل ولا ييمسح عرييات في حساب عميل.
- المتشال: `g delete- /units/bulk` `g /units/delete` `g /units/add`
`delete-forever- /units/bulk` `g /units/delete_forever`
- لو حالة محتاجة واحد منهم فعلاً، دي تروح للفريق اللي مسؤول عنها مش للدعم.

كل النسخ

v3.8

- اسم ملف الإكسل بقى موّدد في كل التصديرات: اسم المستخدم - الحاجة الي اتجايت - التاريخ - الوقت
- الاسم يقول المفلتر إيه: «GPS» أو «ساكتة أكثر من أسبوع» أو «وصل - استعلام» — الملفات بترتب نفسها في مجلد التنزيلات
- اتصلح سبب توقّف التحديث التلقائي: خدمة الخلفية كانت ممكن تتقدّم من كاش المتصفح، فالنسخة القديمة تفضل شغالة
- الفحص بقى يشتغل كمان أول ما ترجع للتبويب، مش كل عشر دقائق بس
- في تبويب الدليل بقى مكتوب: الي شغال عندك، والي على السيرفر، وآخر مرة اتفحص فيها — وزار فحوص فوري
- الزرار يقولك النتيجة صراحة: «انت على أحدث نسخة» أو سبب فشل الوصول للسيرفر

2026-08-04

v3.7

- لما تفلتر بنوع جهاز، بتظهر مؤشرات مخصصة للنوع ده
- GPS و MDVR: أونلاين وأوفلاين، والأونلاين متقسّمة لأربع حالات — متحركة وشغالة، وواقفة وشغالة (وقود بيضيع)، وواقفة ومطفية، ومتحركة ومطفية (يا سحب يا حساس غلط)
- الوحدات الثابتة: الأونلاين والحساسات الي راجعة — حرارة ورطوبة وبطارية ومصدر الكهرباء، بقيمها
- MDVR: نفس حالات الحركة، وزيادة عليها حالة التسجيل والتخزين
- لو السرعة أو حالة المحرك مش راجعين في الرد، الأداة بتقول كده صراحة بدل ما تعرض أصفار
- الريكويست الي اتعدّل من رصد المنصة بقى عليه علامة واضحة في لوحته، بتاريخ الرصد وشكل البودي المرصود

2026-08-04

v3.6

- التصدير بقى ملف إكسل حقيقي بدل CSV — من غير أي مكتبة خارجية، فالأداة فاضلة ملف واحد شغال من غير نت
- قسم جديد في لوحة الأجهزة: «محتاج تصرّف» — بيقلب اللوحة من وصف لأرقام تتصرّف عليها
- ساكتة أكثر من أسبوع، وساكطة أكثر من يوم، ومن غير IMEI ولا سيريال، وما رسلتش ولا مرة، وموقوفة
- ومش مسجّلة في وصل — بيتحسب بتقاطع لوحة الأجهزة مع لوحة وصل، ويبين بعد ما تجيب لسته وصل
- كل بطاقة تدوس عليها تفلتر الجدول، والتصدير بيترّل المفلتر بس
- ولو كل حاجة سليمة، القسم يقول كده صراحة بدل ما يعرض بطاقات فاضية

v3.5

- موديول «ارصد ريكوست من المنصة» جوه تبويب الفحص، بخطوات مكتوبة: افتح أدوات المطور، Network, Fetch/XHR، كليك يمين، Copy as cURL
- تُلزق الأمر والأداة تحلّله: الإندبوينت، وشكل البودي، ونوع المحتوى، ووجود التوكن
- بتقارنه بالكولكشن وتقولك الفرق بالظبط — شكل بودي مختلف، أو ميثود، أو توكن، أو إندبوينت مش موجود أصلًا
- زرار «طبّق التصحيح»: الشكل المرصود يبقى أول صيغة يجربها التصحيح التلقائي، ويبتسجل في المعرفة تلقائي عشان تصدّره وتبعته
- التوكن الي جوه أمر ال cURL بيتشطب من العرض ومن الي يبتسجل في المعرفة

2026-08-04

v3.4

- رصد من منصة أفاقي نفسها: بعض الإندبوينتس بتاخذ data كنص JSON مش ككائن، والريكوست form-encoded مش application/json
- سلّم التصحيح بقي يجرب الصيغتين دول لوحده لما الشكل العادي يفشل
- الملاحظة اتسجلت في المعرفة مع الفرق بين الي في الكولكشن والي المنصة بتبعته فعلاً

2026-08-04

v3.3

- لوحة وصل جوه تبويب اللوحات: مفتاح فوق بين «الأجهزة» و«وصل»
- دوسة واحدة بتجيب كل العربيات المسجلة في وصل عند الحساب المتصل
- بحث فوري في اللسته بالـ IMEI أو الاسم أو اللوحة — لّو اللسته كبيرة وانت عايز جهاز أو اثنين
- زرار الاستعلام بيستعلم عن المعروض بس مش عن الكل — تدور الأول وبعدين تستعلم، عشان ما نضرب حساب العميل بمية ريكوست وانت عايز اثنين
- الاستعلام بيمشي واحد واحد مع عدّاد وزرار وقّف، وبیسأل قبل ما يعدي الستين
- التصدير شغال في أي مرحلة: اللسته لوحدها، أو اللسته بحالة وصل بعد الاستعلام
- سيناريو وصل القديم اتشال — بقي موديول تدوس عليه بدل خطوات

2026-08-04

v3.2

- تبويب جديد «لوحة الأجهزة»: يجيب عربيات الحساب ويقسمها بنوع الجهاز — GPS ووحدة ثابتة و MDVR
- رسم دائري بلون لكل نوع، ودوسة عليه أو على اسم النوع بتفلتر الجدول والأرقام مع بعض
- جدول بكل الحقول الي رجعت فعلاً — الأعمدة بتاخذ من الداتا نفسها مش من قائمة ثابتة، فلو ظهر حقل جديد بكرة هيبان
- تصدير CSV بيصدّر الملفتر بس، وبعلامة ترميز عشان إكسل ما يكسرش العربي
- لو حقل نوع الجهاز مش راجع في الرد، الأداة بتقولك مراحة بدل ما تعرض صفر أو تفضل ساكتة

v3.1

- سيناريو جديد: «الجهاز مسجل في وصل ولا لأ؟» — تلصق الـ **IMEI** والأداة تجاوب
- أربع خطوات: تجيب عربيات وصل عند العميل، تدور على الـ **IMEI**، تستعلم من وصل نفسها، وتعرض الحالة
- يفرّق بين ثلاث حالات: مسجل، ومش مسجل، والحساب مالوش وصل أصلاً — وكل واحدة ليها رد نهائي مختلف
- لو مش مسجل، بيثبت إنه ممكن يكون مسجل في وصل من برة أفاتي — الاستعلام بيشفو تسجيل الحساب ده بس
- الاستعلام ببسأل وصل نفسها مش نسختنا، ويعرض الحقول اللي رجعت زي ما هي من غير تفسير

2026-08-04

v3.0

- الاسم الصح «وصل» مش «واصل» — اتصلح في كل مكان في الأداة
- البحث ييلاقها باللاتين، لأن ناس هتكتب «واصل» بحكم العادة
- اتشال اقتراح «واصل» من صف الأمثلة تحت خانة البحث

2026-08-04

v2.9

- الريمي وسجل التغييرات بقوا بيتولّدوا من نفس المصدر — كانوا يدوين ووقفوا عند v1.8 والأداة على v2.8
- اللينكات المؤقتة اللي فضلت من أول يوم اتصلحت — الريمي وملف النشر كانوا لسه بيقولوا اسم مستودع مش موجود
- حارس جديد في البناء: أي ملف بيقول رقم نسخة لازم يقول نفس الرقم، وأي لينك مؤقت بيقف النشر
- القاعدة الذهبية بقت مطبقة على كل الملفات مش على الدليل بس — اللي يفضل يدوي بيقع

2026-08-04

v2.8

- باگ مكسور اتكشف واتصلح: «من الـ **IMEI** للرد الجاهز» — أول حاجة في الشاشة — كانت بتقع تمامًا. دالة اتشالت وفضل اللي بينده عليها موجود
- الباغ ده كان صامت: مفيش رسالة خطأ، الشاشة بتقف وخلص. اتكشف بأداة مراجعة يتمشي على الكود كله مش بالتجربة
- المراجعة الساكنة بقت جزء من البناء: بتدور على نداءات لحوال مش موجودة، وتعريفات مكررة، وكود ميت — والبناء بيقف لو لقت حاجة
- اتشال كود ميت: دالتين متعرفتين ومحدش بيستخدمهم
- اختبار جديد بيمشي التدفق السريع كامل: **IMEI** ← **UID** ← تجربة ← **curl**

2026-08-04

v2.7

- تبويب جديد «افحص رد»: الصق أي رد JSON — بتاعك أو اللي العميل بعتهولك — والأداة تحوّله لجدول مقروء بأسماء وأرقام وعدادات محوّلة
- ساعات التشغيل بتتحوّل من ثواني لساعات في الجدول أوتوماتيك، والملخص بيقول إن التحويل حصل
- لو الرد فيه خطأ، بيتعرض السبب والحقل المرفوض بالاسم — نفس تشخيص التجربة الحية
- ييمسك الـ JSON المكسور وبقول السبب، وبيقول لو الرد فاضي بدل ما يسبيك تحرّر
- زرار «نسخ ملخص للعميل» بيطلع أول عشر سجلات في نص إنجليزي مرتب بدل JSON خام
- اتأكدنا بالتجربة إن نسختين شغالين مع بعض مفيش بينهم أي تداخل — توكن ولا عربية ولا كاش

2026-08-04

v2.6

- اتضافت ورقة قياس في المستودع: الأرقام اللي بتقول هل الأداة نافعة فعلاً، وإزاي تجمعها

2026-08-04

v2.5

- سباق الردود: لو فتحت ريكوست ثاني وانت مستي رد، الرد القديم كان بيوصل ويكتب فوق الشاشة الجديدة. دلوقتي بيتجاهل
- ملف المعرفة المستورد بقى بيتنصّف من أي وسوم قبل العرض — كان ممكن ملف من حد ثاني يحقن كود في الأداة
- التركيز بيفضل جوه النافذة المفتوحة، والنافذة بقى ليها الوصف الصح لقارئ الشاشة
- عنوان البيئة المكتوب بالأيدي بيتفحص، والخانة بتتلوّن لو الشكل غلط
- البحث اتحسّن: تطبيع القاموس بيحصل مرة واحدة، والنوايا بتتفحص على السؤال مش على كل إندبوينت

2026-08-04

v2.4

- خلاص من السكرول جوه السكرول — البلك الطويل بيتقفّل مع زرار «اعرض الكل» ورقم السطور، وعجلة الماوس بتحرّك الصفحة زي ما المفروض
- اسم الإندبوينت وأزرار التجربة والنسخ بيفضلوا ثابتين وانت نازل — مش هتنسى انت في أنهي ريكوست ولا هتطلع فوق ثاني
- الأداة اتظبطت للموبايل: التبويبات بتترطق، والشريط العلوي بيتلف، والكروت عمود واحد، وخانة البحث ما بتزوّمش في آيفون
- اتشالت أربع ارتفاعات ثابتة كانت متسيبة على بلوكات الكود وبتقص المحتوى من غير سبب

2026-08-04

v2.3

- زرار إغلاق واحد (x) بدل اثنين بنفس المعنى
- خانة العربية بتظهر بعد الاتصال بس — الشريط العلوي كان مزدحم من غير لزوم

- باگ خصوصية: لما تتصل بعميل ثاني، بيانات العميل الأول كانت بتفضل متخزنة — أسماء عربياته وأرقامه. دلوقتي كل حاجة بتتمسح مع كل اتصال
- مهلة 45 ثانية لأي ريكوست — كان ممكن يفضل «جاري الإرسال» للأبد
- شبكة أمان: أي خطأ في الأداة يظهر بسبب واضح وزارر تحديث، بدل شاشة فاضية

2026-08-04

v2.2

- هيدر النافذة بقى ثابت مع زرار x — مكنتش بتوصل لزارر الإغلاق إلا بعد سكرول طويل
- زرار Esc برضه بيوقف، ودوس بره النافذة كمان
- وضحنا ليه التوكن ظاهر ك <YOUR_TOKEN>: عشان لو صوّرت الشاشة وبعثتها للعميل ما يخرجش
- زرار «أظهر التوكن» لو محتاج تشوفه أو تنسخه من الرد نفسه — والرد اللي بيروح للعميل بيفضل متشال منه مهما حصل

2026-08-04

v2.1

- اتصلح إن «انسخ رد كامل للعميل» كان بيقول «الرد الحقيقي مش موجود» حتى بعد ما الريكوست ينجح
- السبب: تعديلات على دالة التشغيل ما اتطبقتش أصلاً — الاستبدال ما لقاش النص وعدّي من غير ما يقول، والنشر عدّي
- دالة التشغيل اكتبته من جديد: بتسجل النتيجة، وتعرض الريكوست اللي اتبعته، وزارر النسخ بيطلع بعد النجاح
- حارس جديد في البناء: عشر علامات لازم تكون في الملف النهائي، ولو واحدة ناقصة البناء بيوقف
- اختبار جديد بيمشي التدفق كامل: تشغيل ناجح ← الرد الحقيقي جوه الرد الجاهز ← التوكن متشال
- الشريط بقى يقارن أرقام النسخ صح — كان ممكن يقول «في نسخة أحدث» وهي أقدم لو ملف النسخة أتأخر في الكاش

2026-08-04

v2.0

- اتصلحت مشكلة إن شريط «في نسخة أحدث» كان بيفضل يطلع مهما تعمل تحديث
- السبب كان ثلاث طبقات كاش فوق بعض: كاش المتصفح، وخدنة الخلفية، وكاش الأداة — والتحديث كان بيترك واحد بس
- زرار «تحديث» بقى يمسح كل الكاشات ويلغي خدمة الخلفية ويعيد التحميل من الشبكة
- اسم الكاش بقى فيه رقم النسخة، فأني نشر جديد بيلغي القديم لوحده
- الصفحة بتتجاب من الشبكة متجاهلة كاش المتصفح — سيرفر الصفحات كان بيرجع نسخة مخزنة لحد عشر دقائق
- «لأ شكرًا» في شريط التثبيت بقى يفضل مقفول طول الجلسة

2026-08-04

v1.9

- زرار «انسخ رد كامل للعميل» انتقل فوق خالص — كان مدفون تحت البودي والأمثلة ومحدث لائقه
- معاه زرار «جرب دلوقتي» في نفس الشريط، تحت اسم الإندبوينت مباشرة
- الشريط بيقولك لو انت متصل ولا لأ، عشان تعرف الرد هيبقى فيه النتيجة الحقيقية ولا لأ
- اتصلح باگ كان بيوقف تشغيل الأداة في نصه: الكود كان بينده على عنصرين مش موجودين في الصفحة
- اختيار جديد بيتأكد إن كل عنصر الكود بينده عليه موجود فعلاً — 96 مرجع اتفحصوا

2026-08-04

v1.8

- الأداة بقت تثبت على الجهاز زي أي تطبيق — أندرويد وآيفون وويندوز وماك
- بتفتح بأيقونتها من غير شريط متصفح، وليها اختصارات للتبويبات
- بتشتغل من غير نت في البحث والشروحات والأمثلة — التنفيذ الحي بس هو اللي محتاج نت
- التنسيق اتظبط للشاشات الصغيرة: الشريط العلوي والتبويبات والأزرار
- زرار «نسخ رد كامل للعميل» بقى واحد في كل مكان — كان ثلاثة بيدوا تلات حاجات مختلفة، ودي كانت لخطبة
- الزرار بيدي الرد الحقيقي لو شغلت الريكوس، ولو ما شغلتش بيقولك «شغله الأول» بدل ما يدبك قالب ناقص

2026-08-04

v1.7

- الأداة بقت تعرف لوحدها لما تنزل نسخة أحدث وبتقولك — من غير كده الفريق يفضل شغال على نسخة قديمة مخزنة في المتصفح
- شريط فوق بيقول رقم النسخة الجديدة وإيه فيها، وزرار بيحدث ويرجعك لنفس التبويب
- البناء بقى يشغل كل الاختبارات ويبقى لو واحد فشل — مستحيل ينشر حاجة كسرت حاجة قديمة

2026-08-04

v1.6

- إضافة العربيات وحذفها اتشالوا من الأداة نهائيًا — مش مخفين، مش موجودين أصلًا
- خمس ريكوستات: الإضافة، والحذف، والحذف الجماعي، والحذف النهائي، والحذف النهائي الجماعي

2026-08-04

v1.5

- زرار «نسخ رد كامل للعميل» بعد أي تجربة ناجحة — يلمم الإندبوينت والهيدرز والبودي والرد الحقيقي في بلوك واحد
- الردود الكبيرة بتنقص أوتوماتيك: أول عنصرين مع سطر بيقول العدد الكامل — بدل إيميل فيه ٨٤٧ عربية
- زرار «عرض نضيف للقطعة» بيفتح نافذة من غير أزرار عشان الصورة تطلع مرتبة

- التوكن بيتشال من الرد والبودي قبل النسخ

2026-08-04

v1.4

- البحث بقى يشتغل وانت لسه بتكتب — «عاوز قاى» بتلاقي النتيجة من غير ما تكفل
- الهميزات اتوحدت: «قائمة» و«قايمة» و«إشارات» و«إشارات» بقوا نفس الحاجة
- الأرقام العربية بتتقرا: تلصق `IMEI` بأرقام ١٢٣ والأداة تفهمه
- طبقة نوايا للأسئلة اليومية: «سرعة» توديك للإشارات، «عدادات» للسته، «تسجيل دخول» للوجين
- نداءات بروتوكول الجهاز نزلت آخر الترتيب — الدعم عمره ما هييعتها لعميل
- «مفيش نتيجة» ما بتطلعش وانت لسه بتكتب

2026-08-04

v1.3

- نافذة بتطلع قبل أي ريكوست محتاج رقم كيان ثاني — عربية أو حدث أو سائق أو منطقة أو مستخدم أو حساس أو مجموعة أو قالب أو عميل
- زرارين: «اجيبهولك أنا» بتكتب الاسم والأداة تجيب الرقم، أو «وريي الخطوات» تروح تجيبه بنفسك
- الفريق شغال بالأسماء والسيستم شغال بالأرقام — الأداة بقت الترجمة بينهم
- الأرقام الي اتحلّت بتفضل للجلسة كلها، وبتحط في أي ريكوست تفتحه بعدها

2026-08-04

v1.2

- التشخيص بقى يقرا `message` و `errors` من الرد الأول، والكود الرقمي آخر حاجة — الأكواد هنا مش قياسية
- شرح الحقول المرفوضة بالاسم: أنهى حقل اترفض وليه
- تحذير قبل التجربة لو الريكوست محتاج عربية ومحدث حدها
- تصليح فخاخ عينات الكولكشن: `offset` كان بيبدأ من 50، وتواريخ من 2019 — بيتطبطوا وبيتقالك إيه الي اتغير
- حالة جديدة في الأخطاء المعروفة: `validation_error` مع `unit_id : not_found`

2026-08-04

v1.1

- قفل إعادة المحاولة على ريكوستات الدخول — كانت بتقدر تقفل حساب عميل
- «جرب مرة واحدة» على تسجيل الدخول بقى بيستخدم بيانات الجلسة بدل العلامات
- صندوق «الريكوست الي اتبعت فعلاً» تحت كل تجربة، ببصمة آمنة لكلمة السر
- كارت «الأساس — من الـ `IMEI` للـ `UID`» اتنقل لتبويب الأساسيات
- رقم نسخة ودليل جوه الأداة
- زرار تنزيل الدليل جوه الأداة، مع رجوع تلقائي للطباعة لو الملف مش موجود

- زرار رجوع، وزرار الرجوع بتاع المتصفح بقى يشتغل جوه الأداة. والدليل بيفتح في تبويب جديد فما يستبدلش الشاشة

2026-08-04

- **v1.0** النسخة الأولى — 534 ريكوست، 8 سيناريوهات، بحث بالعامية، عربي وإنجليزي

2026-08-03

المستند ده بيتولّد من نفس مصدر الأداة. أي تعديل في الأداة بيظهر هنا في نفس اللحظة.
استخدام داخلي — فريق الدعم الفني.